



«Նոր ժամանակի կրթություն» ՀԿ

*ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ*

*ԱՎԱՐՏԱԿԱՆ ՀԵՏԱԶՈՏԱԿԱՆ
ԱՇԽԱՏԱՆՔ*

Հետազոտության թեման՝ Խաղային տեխնոլոգիաների կիրառումը առարկայի դասավանդման գործընթացում

Առարկան՝ Դասվար

Հետազոտող ուսուցիչ՝ Շաքե Սահակյան

Ուսումնական հաստատություն՝ Պարտիզակի Ահարոնի անվան միջնակարգ դպրոց

Երևան 2022

ԲՈՎԱՆԴԱԿՈՒԹՅՈՒՆ

Ներածություն.....	3
Խաղային տեխնոլոգիաների կիրառումը առարկայի դասավանդման գործընթացում.....	4
Խաղային գործունեություն.....	5
Խաղային տեխնոլոգիա.....	6
Խաղային տեխնոլոգիաները տարրական դպրոցում.....	9
Խաղային տեխնոլոգիաները միջին և ավագ դպրոցում.....	11
Խաղային մեթոդներ և մեթոդական հնարներ.....	12
Խաղերի դասավանդման եղանակները.....	13
Խաղը որպես սովորելու միջոց.....	14
Խաղի օգտակար գործոնները.....	15
Եզրակացություն.....	16
Գրականության ցանկ.....	17

ՆԵՐԱԾՈՒԹՅՈՒՆ

Տարրական դպրոցում խաղային տեխնոլոգիաների կիրառումը կարևոր պայման է ուսուցման գործընթացի արդյունավետության բարձրացման, անձնակենտրոնության ապահովման համար:

Այսօր յուրաքանչյուր մանկավարժ, այդ թվում նաև տարրական դպրոցի ուսուցիչ, նպատակադիր է ուսուցման գործընթացի կատարելագործման, արդիականացման առավել արդյունավետ ուղիների որոնման, ինչը կնպաստի սովորողների պահանջմունքադրդապատճառային ոլորտի խթանմանը, առաջադիմության բարձրացմանը, կրթության որակի բարելավմանը: Այդ առումով առաջնային է դառնում ուսուցման խաղային տեխնոլոգիաների ներդրումը տարրական դպրոցի կրթադաստիարակչական գործընթացին:

Ուսուցման ժամանակակից այս տեխնոլոգիան դասավանդողի գործողությունների հաջորդական, փոխկապակցված համակարգն է, որի նպատակը մանկավարժական այս կամայն խնդրի լուծումն է:

Խաղային տեխնոլոգիաների կիրառումը դասերի ընթացքում նպաստում է աշակերտների ակտիվացմանը՝ մարմնաշարժողական և իմացական առումներով: Ակտիվությունն անհրաժեշտ պայման է ժամանակակից մանկավարժական գործընթացի արդյունավետ կազմակերպման համար: Խաղի մուտքը դասարանում ստեղծում է նոր, յուրահատուկ միջավայր: Աշակերտներն ազատ արտահայտում են իրենց մտքերը՝ աննկատելիորեն ընդգրկվելով ակտիվ ուսուցման մեջ: Խաղի կիրառումը ուսուցման գործընթացում հնարավորություն է ընձեռում ուսուցչի աշխատանքն առավել բազմազանու ճկուն դարձնել:

Խաղային դաստիարակչություն հասկացությունը ներառում է մեթոդների մեծ խումբ, որն ունի նպատակ՝ խնդրի ուղիղ կետին հասնելու և իրեն համապատասխանող դաստիարակչական արդյունք ստանալու:

ԽԱՂԱՅԻՆ ՏԵԽՆՈԼՈԳԻԱՆԵՐԻ ԿԻՐԱՌՈՒՄԸ ԱՌԱՐԿԱՅԻ ԴԱՍԱՎԱՆԴՄԱՆ ԳՈՐԾԸՆԹԱՑՈՒՄ

Խաղային գործունեության հոգեբանական մեխանիզմները հենվում են աշակերտի ինքնադրսևորման, ինքնահաստատման, ինքնորոշման, ինքնակարգավորման, ինքնատիրապետման պահանջմունքների վրա: Մեծանուն հոգեբանները այսպես են բնորոշում խաղը.

Դ. Ուզնաձե <<Խաղը երեխայի պսիխոգեն վարքն է>>

Տ.Վիգուրսկի <<Խաղը երեխայի ներքին սոցիալականացման տարածք է, սոցիալական դիրքորոշումների յուրացման միջոց>>

Ա. Ն. Լեոնտև <<Խաղը երևակայության մեջ անձի ազատության, անկրկնելի հետաքրքրությունների տարածքային իրագործում է>>

Կրտսեր դպրոցական տարիքը երեխայի համար որպես առաջատար գործունեություն արդեն սկսվում է դառնալ ուսումը: Բայց այդ դպրոցականը, որը դեռ երեկ տարված էր խաղերով, չի կարող լիովին զերծ մնալ դրանցից: Այդ իսկ պատճառով երբ ուսուցումը ընթանում է խաղերով, դրանք երեխայի համար դառնում են ավելի հետաքրքիր, սրտամոտ ու ցանկալի: Երբ խաղը մուտք է գործում կենդանի մանկավարժական գործընթացի մեջ, դասարանում ստեղծվում է մի նոր միջավայր : Եթե ուսուցիչ-աշակերտ և նաև աշակերտ-աշակերտ հարաբերություններում մինչ այդ գոյություն ունեին ինչ- ինչ պատնեշներ, ապա դրանք աննկատելիորեն անհետանում են: Այդ մթնոլորտը հնարավորություն է տալիս, որ աշակերտներն անկաշկանդ արտահայտեն իրենց մտքերը: Խաղն ունի մի այնպիսի հիանալի հատկություն, որ երեխային կարող է իր համար էլ աննկատելիորեն ընդգրկել ակտիվ ուսուցման ննույնիսկ այս կամ այն <<պրոբլեմի>> լուծման ընթացքի մեջ: Խաղի ժամանակ երեխան ավելի է կենտրոնանում՝ տարվելով

հետաքրքրաշարժությամբ և ավելի հեշտությամբ էլ մտապահում է առաջին անգամ տեսածն ու լսածը: Խաղային իրավիճակներում սովորողը դառնում առավել գործուն և ուշադիր :

Խաղերը հաճախ տեղեկատվական բնույթ են կրում և խաղի ընթացքում երեխան կարողանում է ազատ մտածել որևէ հարցի շուրջ, ստանալ նոր պատկերացումներ ,նորովի մտենալ այս կամ այն երևույթին :

Քննարկման փուլում նա լսում է ուրիշների կարծիքները և նույն հարցի վերաբերյալ տարբեր մեկնաբանություններ , ինքն էլ հնարավորություն ունի համագործակցելու ընկերների հետ և սեփական որոշում կայացնելու: Արդյունքում սովորողը ինքնավստահորթյուն է ձեռք բերում և զարգացնում գննողականությունը:Դրա համար էլ առաջ են քաշվել մի շարք խնդիրներ, ինչպիսիք են`

ԽԱՂԱՅԻՆ ԳՈՐԾՈՒՆԵՈՒԹՅՈՒՆ

<<Առանց խաղի չկա և չի կարող լինել երեխայի մտավոր զարգացում: Խաղը մի հսկայական լուսավոր պատուհան է, որի միջոցով երեխայի հոգեկան աշխարհ է թափանձում կենդանի հասկացությունների,պատկերացումների համախումբ: Խաղը ջանասիրություն և հետաքրքրություն բոցավառող կայծ է>>:

Վ.Ա.Սուխոմլինսկի

Երեխայի կյանքում խաղային գործունեությունը, կատարում է մի շարք գործառույթներ.

- զվարճալի, այսինքն հաճույք է պատճառում, ոգևորում, հետաքրքրություն առաջացնում, ձգտում ինքնահաստատման, խաղային դժվարությունների հաղթահարմանը:
- կանխատեսող խաղի ընթացքում կարելի է ճանաչել իրեն , ցուցադել սեփական ուժերը վերականգնողական խաղի ընթացքում փոխվում են անձնային որակները , տեղի է ունենում անձի սոցիալականացում :

Այսպիսով, խաղի միջոցով ոչ միայն ուուցանվում և ամրապնդվում է դասանյութը, այլև այն օգնում է , որ աշակերտն աննկատ ձևով կարողանա հաղթահարել բարդ

ուսումնական խնդիրներ:

Ժամանակակից դպրոցում, որտեղ շեշտը դրվում է ուսումնական գործընթացի ակտիվացմանն ու ինտեսիվացմանը, խաղային գործունեությունը իրականացվում է հետևյալ դեպքերում.

- Որպես ինքնուրույն տեխնոլոգիա որևէ առարկայի, թեմայի յուրացման կամ րապնդման ժամանակ:
- Որպես դաս կամ նրա մի մաս:
- Որպես արվեստային տեխնոլոգիայի բաղադրիչ:
- Որպես արտադասարանական աշխատանքի տեխնոլոգիա:

ԽԱՂԱՅԻՆ ՏԵԽՆՈԼՈԳԻԱ

<<Խաղն իր մեջ ընդգրկում է ինքնագործունեության կառուցվածքի բաղադրամասեր>>:

Ս.Լ.Ռուբինշտեյն

Այս ուսուցման նպատակային կողմնորոշիչներն են՝

- դիդակտիկ՝ մտահորիզոնի ընդլայնումը , ճանաչողական գործունեությունը, պրակտիկ գործունեության համար անհրաժեշտ հմտությունների ձևավորումը:
- Դիդակտիկ խաղի հիմնական նպատակներից մեկը սովորողներին առարկաների , նրանց դասակարգման , նշանակության , հատկությունների , աշխատանքի տեսակների , բնության երևույթների և այլ երևույթների մասին նոր գիտելիքներ հաղորդելն է: Դիդակտիկ խաղն ուսումնական զբաղվածության ուրույն տեսակ է , որը կազմակերպվում է ուսուցողական խաղերի տեսքով՝ իրականացնելով խաղային և ակտիվ ուսուցողական մի շարք սկզբունքներ : Դիդակտիկ խաղերի կիրառումը ամենից առաջ ունի մանկավարժական տեսանկյուն , ուղղվածություն , քանի որ լուծում է մանկավարժական այնպիսի խնդիրներ , ինչպիսիք են.

1. Մանկավարժական բովանդակային խնդիրները՝ կապված գիտելիքների , կարողությունների, հմտությունների, արժեհամակարգի, ստեղծագործական գործունեության

համապարփակ ձևավորման հետ:

2. Մանկավարժակ աննպատակային խնդիրները՝ կապված մանկավարժական գործընթացի մարտավարական և ռազմավարական նպատակների հետ:

3. Մանկավարժական ռեսուրսային խնդիրները՝ կապված մանկավարժական գործունեության կազմակերպման և իրականացման արդյունավետ ընթացքի հետ:

Մանկավարժական իրավիճակային խնդիրներ՝ կապված տարբեր վիճահարույց իրավիճակների և համապատասխան վերլուծության , պատճառահետևանքային կապի բացահայտման , ինչպես նաև իրավիճակից դուրս գալու հետ:

Դիդակտիկ խաղերի մշակման մանկավարժական հիմքերն իրենց հերթին հենվում են կոլեկտիվ նպատակաուղղված, համընդհանուր նպատակներ հետապնդող և ակտիվ ուսումնական գործը նթացի վրա:

Դիդակտիկ խաղեր մշակելիս մանկավարժը հենվում է այն բանի վրա, որ ուսումնական գործընթացին մասնակիցները միասին համախմբվեն մեկ ընդհանուր գաղափարի շուրջ :

- դաստիարակիչ՝ ինքնուրույնության և կամքի դաստիարակումը, որոշակի բարոյական , գեղագիտական և աշխարհայացքային դիրքորոշումների ձևավորումը:

Այս խաղի արդյունքում գաղափարախոսություն է հանդիսանում մարդասիրական անձնային տեխնոլոգիան, որի նպատակային կողմնորոշիչներն են.

- Երեխայի անձնային որակների բացահայտման միջոցով նպաստել արժանապատիվ մարդու կայացմանը, զարգացմանն ու դաստիարակմանը:
- Երեխայի հոգու ազնվացումը:
- Երեխայի իմացական կարողությունների զարգացումը:
- Դաստիարակության իդեալը՝ ինքնադաստիարակությունն է:

զարգացնող՝ ուշադրության, հիշողության, խոսքի, մտածողության, երևակայության, ստեղծագործական ընդունակությունների, օպտիմալ լուծումներ գտնելու կարողության զարգացումն է : Խաղի վրա հիմնված կրթությունը երեխաների մոտ ձևավորում է համագործակցելու կարողություն, ստեղծագործ միտք ու հետաքրքրասիրություն, իմիջիայլոց սրանք 21-րդ դարի աշխատուժի համար շատ կարևոր հմտություններ են:

Ուսուցումը հանդիսանում է երեխայի հոգեկան զարգացման անձնային որակների ամբողջության, կայացման շարժիչ ուժը: Ջարգացնող խաղերը երեխային հատկացնում է շրջակա միջավայրի հետ համագործակցող սյուբյեկտի դեր:

Այդ համագործակցությունը ներառում է գործունեության բոլոր փուլերը , ինչպիսիք են

- նպատակադրումը
- պլանավորումը
- կազմակերպումը

- նպատակի իրագործումը
- գործունեության արդյունքների վերլուծումը:

Այս փուլերից յուրաքանչյուրը իր առանձնահատուկ ներդրումն ունի անձի զարգացման մեջ:

Օր. Նպատակադրման փուլում դաստիարակում են նպատակասլացություն, արժանապատվություն, հպարտություն ինքնուրույնություն, ինքնուրույնություն, կազմակերպվածություն և այլն:

Նպատակի իրագործման փուլում ձևավորվում են հարաբերության գնահատման չափանիշները՝ աշխատասիրությունը, կարգապահությունը և ակտիվությունը:

Գործունեության վերլուծության փուլը ձևավորում է գնահատման չափանիշները, պատասխանատվություն, խիղճ, ազնվություն և այլն:

Ներկայումս զարգացնող ուսուցման վերաբերյալ մշակված են մի շարք տեսակներ, որոնք տարբերվում են իրենց նպատակային կողմնորոշիչներով, բովանդակությամբ և մեթոդիկայի առանձնահատկություններով:

Սոցիալականացող՝ հասարակական նորմերին և արժեքներին հաղորդակից դարձնելը, միջավայրի պայմաններին ադապտացվելը, ինքնակարգավորվելը: Խաղային տեխնոլոգիաների կիրառման ժամանակ առաջադրանքները կատարվում են յուրաքանչյուր երեխայի վարքագիծը որոշող և կազմակերպող գործողության միջոցով ներեխաներին միավորելով մեկ թիմի: Դա գրավում է երեխաների հետաքրքրությունը և որոշում է նրանց հուզական վերաբերմունքը խաղին:

Խաղերի ընթացքում երեխաները չպետք է կասկածեն, որ սովորում են և ակտիվությունը կապված է հենց խաղի կանոնների հետ:

Այն պետք է հետաքրքիր լինի, որպեսզի երեխան պատրաստակամորեն ենթարկվի կանոններին: Արդյունքը գնահատվում է երկու տեսանկյունից. այսինքն՝ երեխաների և ուսուցչի տեսանկյունից: Արդյունքը երեխաների տեսակետից գնահատելիս հաշվի ենք առնում, թե խաղը ինչ բարոյական և հոգևոր բավարարվածություն բերեց երեխաներին: Կատարելով առաջադրանքներ՝ երեխաները ցույց են տալիս հնարամտություն, ուշադրություն, հիշողություն: Այս ամենը երեխաներին տալիս է բարոյական բավարարվածություն, մեծացնում է նրանց հավատը սեփական ուժերի նկատմամբ, լցնում նրանց ուրախության զգացումով: Կարելի է նաև խաղերի ավարտին պարզևատրել մասնակիցներին, գովաբանել կամ նրանց վստահել խաղի գլխավոր դերերը: Այսպիսով, խաղի ընթացքում կարելի է ճանաչել իրեն , ցուցադրել սեփական ուժերը, անձնային որակները և տեղի է ունենում անձի սոցիալականացում:

Սոցիալականացող՝ հասարակական նորմերին և արժեքներին հաղորդակից դարձնելը, միջավայրի պայմաններին ադապտացվելը, ինքնակարգավորվելը:

ԽԱՂԱՅԻՆ ՏԵԽՆՈԼՈԳԻԱՆ ԵՐԸ ՏԱՐՐԱԿԱՆ ԴՊՐՈՑՈՒՄ

<< Խաղի ժամանակ երեխաներին սովեք կատարյալ ազատությունն դուք իսկույն կիմանաք նրանց սովորույթներն ու հակումները>>:

Մ.Ի. Դեմկով

Խաղային իրավիճակներում սովորողը դառնում է առավել գործուն և ուշադիր :

Խաղերը հաճախ տեղեկատվական բնույթ են կրում և խաղի ընթացքում երեխան կարողանում է ազատ մտածել որևէ հարցի շուրջ , ստանալ նոր պատկերացումներ, նորովի մտենալ այս կամ այն երևույթին : Քննարկման փուլում նա լսում է ուրիշների կարծիքները և նույն հարցի վերաբերյալ տարբեր մեկնաբանություններ, ինքն էլ հնարավորություն ունի համագործակցելու ընկերների հետ և սեփական որոշում կայացնելու: Արդյունքում սովորողը ինքնավստահություն է ձեռք բերում և զարգացնում զննողականությունը :

Խաղային տեխնոլոգիաները տարրական դպրոցում կարելի է դիտարկել որպես ուսուցման մեթոդ, ուսուցման ձև, ինքնուրույն խաղային գործունեություն և երեխայի անձնավորության համակողմանի զարգացման միջոց: Տարրական դպրոցում խաղը կիրառվում է.

- որպես ինքնուրույն տեխնոլոգիա (որը կիրառվում է ցանկացած առարկայի, թեմայի յուրացման և ամրապնդման ժամանակ)
- որպես առավել մեծ ու ընդհանուր համագործակցային տեխնոլոգիայի մի տարր որպես սովորողների ծանրաբեռնվածության բեռնաթափման միջոց: Ի տարբերություն առօրյա խաղերի՝ մանկավարժական խաղն ունի որոշակի հատկանիշներ: Այն ունի նախօրոք հստակեցված ուսուցման նպատակ և դրան համապատասխան կանխատեսվող մանկավարժական արդյունք:
- ավանդական ուսումնական գործընթացի ժամանակ գիտելիքի հիմնական աղբյուր հանդիսանում է ուսուցիչը, իսկ խաղի ժամանակ գիտելիքի որոշակի աղբյուր չկա,
- ուսումնական գործընթացն իրականացվում է մենախոսության (ուսուցիչը բացատրում է, սովորողը լսում) կամ երկխոսության (սովորողը հարցեր է ուղղում, ուսուցիչը պատասխանում է, կամ ստուգման նպատակով ուսուցիչն է հարցեր ուղղում սովորողներին) միջոցով, իսկ խաղն իրականացվում է գործողությունների լեզվով, և խաղի մասնակիցները ակտիվ հաղորդակցման միջոցով սովորում և սովորեցնում են:
- խաղային գործունեության ժամանակ աշակերտները ազատ են ու անկաշկանդ, և չեն ճնշվում սեփական «Ես»-ը արտահայտելու մտքից:

Ներկայացնեմ խաղի մի օրինակ, որ նպատակահարմար է կիրառել կրտսեր դպրոցում երեխայի ուսումնական ակտիվության ձևավորման համար :

<<Տառերի թռիչք>> խաղ

Խաղի նպատակը՝ զարգացնել և ամրակայել հնչյունների վերաբերյալ աշակերտների գիտելիքները , արագ կողմնորոշվելու ունակությունը , ձևավորել ինքնուրույնություն և ճկուն դարձնել մտածողությունը :

Խաղի ընթացքը՝ Խաղին կմասնակցեն դասարանի բոլոր աշակերտները : Խաղավարն ասում է տարբեր հնչյուններ , որոնցով մյուս աշակերտները պետք է կազմեն բառեր : Նա հուշում է , թե տվյալ հնչյունը որտեղ պետք է լինի՝ բառասկզբում , բառամիջում , թե բառավերջում : Օրինակ՝ ա՝ բառասկզբում՝ արև , աստղ , անտառ , կ՝ բառամիջում՝ երկինք , երկար , թանկագին , լ՝ բառավերջում՝ լսել , սիրել և այլն : Խաղն կարելի է անցկացնել դասի վերջում աշակերտների ֆիզիկական հոգնածությունն թոթափելու համար :

«Գտիր ձայնավորը» : Խաղավարը կարդում է բառեր : Անհրաժեշտ է ծափ տալ այն դեպքում, երբ մասնակիցները լսում են օրինակ ա տառը : Պարտվում են այն մասնակիցներն ովքեր ծափ են տալիս սխալ բառերի դեպքում : Այսինքն այնպիսի բառերի, որոնք չունեն ձայնավոր ա-ն :

Այսպիսով, այս առաջադրանքները կրում են անհատական բնույթ, որի ընթացքում աշակերտները ձեռք կբերեն ինքնուրույն աշխատելու , ազատ մտածելու և արագ կողմնորոշվելու կարողություններ , ինչպես նաև կկարողանան կատարել նմանատիպ այլառաջադրանքներ :

ԽԱՂԱՅԻՆ ՏԵԽՆՈԼՈԳԻԱՆԵՐԸ ՄԻՋԻՆ ԵՎ ԱՎԱԳ ԴՊՐՈՑՈՒՄ

<< Խաղը չպետք է անհետանա երեխայի կյանքից: Այն պետք է շարունակի իր տեղն ունենալ թե՛ դպրոցական ուսուցման, թե՛ աշխատանքային գործընթացում>>:

Լ.Ս.Վիգոտսկի

Այս տարիքում արդեն երեխաների մոտ ցանկություն է առաջանում ստեղծելու իրենց սեփական աշխարհը. երևակայության բուռն զարգացումներով, երազանքներով և բանաստեղծական խաղերի մտահղացումներով: Այս դպրոցում արդեն խաղերի հիմնական նպատակն է հաստատվելը հասարակության առաջ , հումորային երանգը , հաղթելու ցանկությունը, խոսքի զարգացումը:

Գործնական խաղերն օգտագործվում են առաջացած խնդիրների ամբողջականությունը նոր կերպ լուծելու համար, նյութի ամրացումը ստեղծագործական ունակությունների զարգացումն: Այն սովորելը հնարավորություն է տալիս աշակերտին ունենալ լավ հիշողություն և առարկան սովորել, ընկալեն տարբեր ձևերով:

Հետազոտական խաղեր, որոնք օգնում են իրականացնել կոնկրետ հետազոտություններ՝ օրինակ կազմակերպել էքսկուրսիաներ ,խնդիրների լուծումներ, մշակել շարադրություն գրելու եղանակներ և այլն;

ԽԱՂԱՅԻՆ ՄԵԹՈԴՆԵՐ ԵՎ ՄԵԹՈԴԱԿԱՆ ՀՆԱՐՆԵՐ

Այս մեթոդների և մեթոդական հնարների վրա ձևավորվում են աշակերտների գիտելիքներն ու հմտությունները, որոնք բաղկացած են հատուկ բովանդակությամբ: Դրանցից են՝

- Մեթոդներ՝ երեխաներին սիրելու արվեստը, ընտրության ազատությունը, իմացության հաճույքը:
- Անհատական մոտեցումը՝ անձի ուսուցումը, ընդունակությունների զարգացումը, ինքնադիտումը, հաջողության վերապրումը:
- Շփման վարպետության՝ ազատ խոսելաձև, ռոմանտիկ մթնոլորտ, փոխադարձության օրենք:
- Ընտանեկան մանկավարժության ռեզերվներ՝ ծնողական շաբաթներ, ծնողական պաշտամունք և այլն:

ԽԱՂԵՐԻ ԴԱՍԱՎԱՆԴՄԱՆ ԵՂԱՆԱԿԸ

Խաղերի դասավանդման նպատակը կայանում է նրանում, որ պետք է ամրապնդել երեխայի՝

- ուշադրությունը
- մտածողությունը
- երևակայությունը
- հիշողությունը

Եվ առանց այդ հատկանիշների անհավատալի է երեխային ամբողջովին զարգացնել: Տարրական դասարաններում ուսուցումը կազմակերպելիս պետք է հաճախ ստեղծել խաղային իրավիճակներ և աշակերտներին հնարավորություն ընձեռել՝ մտնելու իրենց համար հիմնական և կարևոր համարվող գործունեության ոլորտ: Կա ճշմարտություն, որ խաղն առավել գրավիչ է դարձնում ուսուցումը, կենտրոնացնում երեխայի ուշադրությունը, խթանում մտածողությունը: Խաղի միջոցով ճշգրտվում և ընդլայնվում են երեխայի պատկերացումները շրջապատի, բնության, հայրենիքի, ծնողների և ընդհանրապես աշխարհի մասին, դաստիարակվում են ուշիմություն, աշխուժություն, զսպվածություն և այլ դրական հատկանիշներ: Խաղը երեխայի համակողմանի զարգացման, ինքնահաստատման, ինքնակատարելագործման կարևոր միջոց է, որը բացահայտում է նրա բնավորության շատ կողմեր: Խաղի իջոցով երեխան կրթվում է ու դաստիարակվում: Խաղի ընթացքում երեխան դրսևորում է որոշակի ինքնուրույնություն, ձգտում է ինքնահաստատման, ձևավորվում են բնավորության որոշակի գծեր: Խաղի ընթացքում երեխաները ազատ են և ինքնուրույն, ունեն հավասար իրավունքներ և ինքնադրսևորման լայն հնարավորություններ: Խաղն ապահովում է հասակակիցների հետ փոխշփումներ, հաճելի մթնոլորտ և համագործակցելու լավագույն պայմաններ:

ԽԱՂԸ ՈՐՊԵՍ ՍՈՎՈՐԵԼՈՒ ՄԻՋՈՑ

<<Ամեն լավ բանի հիմքն ընկած է խաղի մեջ և բխում է նրանից:Ինքը՝ խաղը դատարկ զվարճանք չէ.այն ունի բարձր խորհուրդ և խորը իմաստ>>:
Ֆ.Ֆրյոբել

Մանկավարժական գործընթացում խաղը համարվում է կրթադաստիրակչական միջոց: Այն հնարավորություն է ընձեռում՝ երեխաներին հաղորդել որոշակի գիտելիքներ, մշակել հմտություններ ու կարողություններ, զարգացնել ուշադրությունը, հիշողությունը և երևակայությունը: Խաղը երեխաների կյանքի և գործունեության կազմակերպման, լայն դաստիրակչական խնդիրների լուծման, ստեղծագործական ունակությունների զարգացման և ինքնուրույնության դաստիրակության միջոց է: Եվ վստահ կարելի է ասել,որ խաղի շնորհիվ է երեխան ճանաչում շրջապատող միջավայրը, ուսումնասիրում այն:

Երեխայի համար այն նույն նշանակությունն ունի, ինչ աշխատանքը մեծահասակի կյանքում: Բոլոր երեխաները սիրում են խաղալ: Նախ՝ խաղը հանդիսանում է ոչ վերբալ խոսք, հաղորդակցման միջոց՝ մեծահասակների, հասակակիցների և շրջակամիջավայրի հետ շփման համար, և բացառություն չէ նաև խաղի միջոցով մասնագետի և երեխայի միջև կոնտակտի ստեղծումը: Երեխան արտահայտում է իր մտքերը, ապրումները, դրսևորում է հոգեկան բովանդակությունը: Ջարգացմանն ուղղված աշխատանքում էլ խաղերը դառնում են գործիքներ՝ զարգացնելու այս կամ այն հոգեկան ոլորտը, գործընթացը:

ԽԱՂԻ ՕԳՏԱԿԱՐ ԳՈՐԾՈՆՆԵՐԸ

<<Խաղը երեխայի զարգացման աղբյուրն է:Այն ստեղծում է մոտակա զարգացման տիրույթները>>:

Լ.

Ս.Վիգոտսկի

Օգտագործելով խաղը որպես դասընթացների հիմնական տեսակը թույլ է տալիս լուծել մի շարք խնդիրներ: Յուրաքանչյուր խաղ որոշակի օգուտ է բերում երեխայի զարգացմանը: Այս գործունեության շնորհիվ այն անընդհատ առաջադրանքների նոր լուծումներ գտնելու և գործնականում կիրառվում է այն, ինչ նա սովորել է:

- Ամրացնում է արդեն ուսումնասիրված նյութը.
- Հաղթահարել է նոր հմտություններ;
- Մշակում է ճանաչողական կարողություններ.
- Թույլ է տալիս երեխային նմանել իրավիճակները եւ լուծել խնդիրները.
- Սովորեցնում է կենտրոնանալ;
- Զարգացնում է ֆանտազիան և մտածողություն;
- Թույլ է տալիս գտնել նոր գիտելիքների եւ հմտությունների անհրաժեշտություն.

ԵԶՐԱԿԱՅՈՒԹՅՈՒՆ

Խաղը երեխաներին ստորադասելու, նրանց վարքը ամբողջ թիմի առաջադրանքների

հետ համակարգելու կարողություն է : Վերջապես, խաղի ընթացքում երեխան տիրապետում է բարոյական նորմերին և վարքի կանոններին, որոնք որոշիչ դեր են խաղում նրա անհատականության ձևավորման գործում:

«Խաղային տեխնոլոգիաների կիրառումը առարկայի դասավանդման գործընթացում » թեմայի շուրջ հանրակրթական դպրոցում անցկացրած ուսումնասիրությունների վերջնարդյունքներն են՝

- Կրտսեր դպրոցականների համար ամենակարևոր ուսուցանող գործողություններից մեկը մնում է խաղը :
 - Խաղը հնարավորություն է տալիս տարրական դասարանների սովորողներին ստացած գիտելիքները ապագայում կիրառել, նոր գիտելիքներ ստանալ և սեփական փորձի հիման վրա ինքնուրույն դրանք կիրառել կյանքում :
 - Երեխաների շրջանում անցկացված հետազոտության հիման վրա մշակվեց կրտսեր դպրոցականի ուսուցման ակտիվությունը ապահովող խաղերի անցկացման մանկավարժական պայմանները : Դրանք են՝ խաղը երեխաների մեջ դաստիարակում է ինքնուրույնություն , կյանքի հետագա դժվարությունները ինքնուրույն հաղթահարելու կարողություններ , խաղը հնարավորություն է տալիս երեխաներին անկաշկանդ արտահայտել իրենց մտքերը, տեսակետները, կարծիքները , խաղը նպաստում է երեխայի սոցիալականացմանը, ինքնասպասարկմանը, ինքնավստահությանը, ինքնաճանաչման զարգացմանը :

ԳՐԱԿԱՆՈՒԹՅԱՆ ՑԱՆԿ

1. Պետրոսյան Հ., Մանկավարժական ժամանակակից տեխնոլոգիաներ, Ե., 2012
2. Խաչատրյան Ս.Գ., Ուսուցման ժամանակակից մեթոդների կիրառումը, Գյումրի, 2006,
3. www.aniedu.am Կրթության ազգային ինստիտուտ